

16 «Արդ՝ եթե զայդ այդպես կարեք խոստանալ, զխոստացեալսն գրով եւ կնքով հաստատեալ տայք ցմեզ՝ ապա կոչեա՛, եւ զամբ կամաւ եւ լսեմք բանից ձերոց, եւ հրամանի թագաւորին հաւանիմք զոր ինչ ասէ: 17 Ապա եթե զայս երիս խնդիրս ոչ կարեք տալ մեզ, եւ գիտեք թէ չէ հնար՝ որպէս եղեալ մեզ մահ առաջի՝ պատրաստ եմք մեռանել¹, այլ ծառայութիւն առնել Արեաց տեառն չկարեմք: 18 Եւ այլ բանք, որ ինչ են, թէ ինձ լինի գալ՝ ինձէն իսկ խաւսիմ ընդ նմա, ապա թէ ոչ լինի դեպ գալ՝ մնացե բանն եւ իրքն²»:

Ղ. Եւ խաւսեցեալ զայս ամենայն բանս Մամիկոնենին Վահանայ ընդ Շապիոյ խորհրդեան դպրի եւ ընդ Միհր-Վշնասպայ ճուարշացոյ՝ յուղարկեաց³ զնոսա. առաքեաց եւ Մամիկոնեանն Վահան ընդ պատգամաւորսն Նիխորոյ եւ յիւր ուխտակցացն զՅաշկուր Արծրունի եւ զՍահակ Կամսարականն, զերանելոյ զԱրշաւայ գորդի, եւ զՎասաւուրտ⁴ Կարբային⁵, եւ զԱռաւան⁶ Աղբերկացի եւ զՊաճոկ ի Մարդպետական գնդէն: 2 Եւ հրաժարեալ զամենեսեան զնոսա Մամիկոնենին Վահանայ՝ արծակեր⁷ խաղաղութեամբ առ Նիխոր:

3 Եւ երթեալ նոցա առ Նիխոր ի գաւառն ի Զեր⁸, եւ տեսեալ Նիխորոյ զՅայերն, որ չոքան առ նա ի Մամիկոնենէն Վահանայ՝ ամենայաւժար սրտիւ խնդութեամբ ուրախացաւ: 4 Եւ հրաման տուեալ ընթրեացն՝ ընկալաւ զնոսա բազում գոհութեամբ եւ յոյժ սիրով, յիշելով հանապազ ըստ ամենայն բաժակի զքաջ Մամիկոնեանն Վահան. եւ կատարեալ զուրախալից ընթրիսն՝ զնային⁹ յիւրաքանչիւր վանս: 5 Եւ ընդ առաւաւտն ժողովեցան ամենայն ատենան Պարսկաց առաջի Նիխորոյ, եւ աստուածուրաց մարդիկն¹⁰ որ անդ էին. եկեալ եւ պատգամաւորքն որ ի Նիխորոյ առ Մամիկոնեանն Վահան երթեալ էին, Շապուհ եւ Միհր-Վշնասպն, եւ հայ նախարարքն եւ այլ արքն ի Մամիկոնենէն¹¹ Վահանայ որ ընդ նոսա էին: 6 Եւ տուեալ զպատգամն Մամիկոնեանն Վահանայ՝ Շապիոյ եւ Միհր-Վշնասպայ առաջի ամենայն ատենին յայտնապէս: 7 Եւ լուեալ Նիխորոյ զամենայն զբանսն եւ զխաւսս Մամիկոնենին Վահանայ, եւ խնդալից եղեալ՝ ասաց առաջի ամե-

1 Ձ. մեռանիլ՝ իւր նոր գրչով

2 Ձ. բանն եւ իրքն: Օրինեալ է աստուած

3 ՏՏ. ուղարկեաց

4 ՏՏ. վասաւուրտ

5 ԲԳտ. ուղղագրել են Զարբային

6 Ատ. զառաւան

7 ՏՏ. արծակեալ

8 ՁԱտ. ի հէր

9 ՏՏ. գային

10 ՁՏՏ. որ անդ էին եկեալ, եւ պատգամաւորքն որ ի Նիխորոյ որ առ...

11 Ձ. ի մամիկոնէն